

## ARLeF a Friuli Doc: de storie dal furlan ai segrets dal frico

A son doi i apontaments in program domenie ai 15 di Setembar: une performance a dôs vôs su la storie de lenghe furlane e un event li che i protagoniscj a son i fantats di YoupalTubo che a presentaran, in esclusive, un gnûf video YouTube sul “re” de cusine furlane

La domenie di Friuli Doc firmade ARLeF – Agenzie regjonâl pe lenghe furlane e je pardabon siore.

**UNA SPLENDIDA FAVELLA** – Il prin apontament sul calendari al è chel in program **aes 11.30**, te cort di Palaç Morpurgo, dulà che la Agenzie e presentará “**Una splendida favella - L’avventurosa storia della lingua friulana e della sua letteratura**”: sessante minûts par contâ plui di mil agns di storie de lenghe furlane graciis ai intervencs di Flavio Santi (docent de Universitât de Insubria) e William Cisilino (dretôr de ARLeF). Santi e Cisilino a tocjaran, cun finece e ironie, i fats che a àn puartât ae nassite dal furlan e al so afermâsi tant che lenghe. Une performance a dôs vôs che e piturarà, ancje midiant di une conte par imagjins, un ritrat inedit de lenghe furlane, tant che struc des culturis che tai secui a son passadis pal Friûl. Ae fin dal incuintri si fasarà une degustazion di vins furlans, in graciis de colaborazion cu la Coldiretti Fvj, che e darà acet al event de ARLeF inte suaze dal so calendari siôr di events.

**FRICO A SBREGHEBALON!** – Tal dopomisdì, invece, **aes 17.15**, te Aree “Io sono Friuli Venezia Giulia” in Zardin Grant, la Agenzie regjonâl pe lenghe furlane, in colaborazion cun Promoturismo FVG, e presentará in esclusive il gnûf video di YoupalTubo: “**Frico a Sbreghebalon!**”. Une ocasion speciâl dulà che a saran protagoniscj di persone lis fantatis e i fantats di chel che aromai al è un dai canâi YouTube plui amâts dai furlans. A saran propit lôr a contâ di cheste aventure digjitâl che e cres ogni dì di plui. Nicolas Fonzar invece, che al è il protagonist dal gnûf filmât pe rubriche *Mangjâ e murî*, al presentará al public la clip dedicate al re dai plats furlans. Cun di plui, al event al parteciparà ancje Giorgio Milocco, il regist di YoupalTubo, che al contarà cualchi curiositât sul *backstage*. Un dopomisdì tal segn des cjararadis, dal divertiment e dal mangjâ ben, dulà che al intervignarà ancje Adriano Del Fabro, autôr dal libri “E alore, Frico!”, e che si sierarà cu la degustazion dal frico de aziende artesanâl “Fricuz” di Resiute e cui vins autoctons de cantine Bulfon di Valerian.

### INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche / e-mail: [arlef@caltpr.it](mailto:arlef@caltpr.it)

Eleonora Cuberli - mob. + 39 340 3546890 / Adriana Cruciatti - mob. +39 335 6853775

<<<<<<<<<<<<

**YOUPALTUBO PER TUTTI** – Nol è dut achì: tes zornadis de manifestazion, sul grant schermi di Place Libertât e sarà ancje proietade une selezion dai videos di YoupaTubo, in colaborazion cul Comun di Udin.

Udin, ai 12 di Setembar dal 2024

**INFORMAZIONS PE STAMPE - INFORMAZIONI PER LA STAMPA**

**Ufficio Stampa ARLeF** CALT relazioni pubbliche / **e-mail: arlef@caltpr.it**

Eleonora Cuberli - mob. + 39 340 3546890 / Adriana Cruciatti - mob. +39 335 6853775

<<<<<<<<<<<